



REPUBLIKA E SHQIPËRISË

**KOMISIONERI PËR MBROJTJEN NGA DISKRIMINIMI
DREJTORIA E HETIMIT ADMINISTRATIV**

Nr. 1565/ prot.

Tiranë, më 09.12.2025

Lënda: Njoftim dhe kërkesë për informacion

Z. ROBERT ALIAJ
Rruga "Skënderbej"
Njësia Administrative Nr.7
Tiranë

TELEVIZIONIT A2CNN
G2 Media Sh.p.k
Rruga "Papa Gjon Pali IP", nr.. 12
ABA Business Center
Kati 10, Z. 1006
Tiranë

Për dajeni: ZNJ. MIRELA ARQIMANDRITI
Rruga "Abdyl Frashëri", pallati 10, shkalla 1, apartamenti 3
Tiranë

AVOKATE DEA NINI
Rruga "Siri Kodra", private 106
Tiranë

Bazuar në nenin 32/1/a dhe nenin 33 të ligjit 10221/2010 "Për Mbrojtjen nga Diskriminimi", të ndryshuar, pranë Komisionerit për Mbrojtjen nga Diskriminimi është regjistruar ankesa nr. 259, datë 10.11.2025, e paraqitur nga pala ankuese znj. Mirela Arqimandriti kundër z. Robert Aliaj, me pretendimin për diskriminim, për shkak të "gjinisë", "bindjeve filozofike", "pamjes së jashtme" dhe "çdo shkak tjetër", kopjen e të cilës e gjeni bashkëlidhur.

Përsa m lart, ju njoftojmë se Komisioneri për Mbrojtjen nga Diskriminimi po ndjek të gjithë hapat e parashikuar në ligjin nr. 10 221/2010 "Për Mbrojtjen nga Diskriminimi", të ndryshuar, për shqyrtimin e kësaj çështjeje.

Në nenin 1 të Ligjit nr. 10221/2010, i ndryshuar, parashikohet objekti i këtij ligji, duke u sanksionuar se: "Ky ligj rregullon zbatimin dhe respektimin e parimit të barazisë dhe mosdiskriminimit në lidhje me racën, etninë, ngjyrën, gjuhën, shtetësinë, bindjet politike, fetare ose filozofike, gjendjen ekonomike, arsimore ose shoqërore, gjininë, identitetin gjinor, orientimin seksual, karakteristikat e seksit, jetesën me HIV/AIDS, shtatzëninë, përkatësinë prindërore, përgjegjësinë prindërore, moshën, gjendjen familjare ose martesore, gjendjen civile, vendbanimin, gjendjen shëndetësore, predispozicionet gjenetike, pamjen e jashtme, aftësinë e kufizuar, përkatësinë në një grup të veçantë, ose me çdo shkak tjetër".

Bazuar në pikën 8, të nenit 3, të Ligjit nr. 10221/2010, të ndryshuar, përcaktohet se: "8. "Gjuha e urrejtjes" është çdo formë e shprehjes në publik, me çdo mjet, e promovimit, nxitjes së denigrimit, urrejtjes ose shpifjes, çdo shqetësim, fyerje, stereotip negativ, stigmatizim ose kërcënim ndaj një personi ose grupi personash, si dhe çdo justifikim i të gjitha formave të shprehjes e bazuar në një listë joshteruese të shkaqeve, sipas nenit 1 të këtij ligji."

Bazuar në nenin 5, të Ligjit nr. 10221/2010, të ndryshuar, ndalohet diskriminimi për shkaqet e përmendura në nenin 1 të këtij ligji dhe mosmarrja në shqyrtim, sipas rasteve të përmendura në nenin 3 të këtij ligji, e një ankimi ose procedure, si dhe çdo forme tjetër sjelljeje që pengon zbatimin e parimit të trajtimit të barabartë.

Ligji 10221/2010, i ndryshuar, ka parashikuar në Nenin 7/1 se: "Çdo veprim ose mosveprim i autoriteteve publike ose i personave fizikë a juridikë që marrin pjesë në jetën dhe sektorët publike ose privatë, që krijojnë baza për mohimin e barazisë ndaj një personi apo grupi personash, ose që i ekspozon ata ndaj një trajtimi të padrejtë dhe jo të barabartë, kur ata ndodhen në rrethana të njëjta ose të ngjashme, në krahasim me persona të tjerë ose grupe të tjera personash, përbën diskriminim".

Bazuar në ligjin 10221/2010 "Për Mbrojtjen nga Diskriminimi", i ndryshuar, neni 33, pika 7, ku përcaktohet : "7. Me regjistrimin e ankesës, komisioneri verifikon faktet. Për këtë qëllim, komisioneri mund t'u kërkojë ankuesit dhe personit kundër të cilit është drejtuar ankesa, të paraqesin parashtrime me shkrim brenda 10 ditëve pune nga dita që palët marrin njoftimin. Kur e çmon të nevojshme, komisioneri merr informacion edhe nga çdo person ose burim tjetër." dhe nenin 32, pika 2, ku parashikohet: "2. Të gjitha institucionet publike dhe subjektet private janë të detyruara të mbështesin Komisionerin, duke i dhënë informacionin që i nevojitet dhe duke i

garantuar aksesin në informacionin në përmbushjen e detyrave të tij". kërkojmë nga ana juaj që të paraqisni:

- Parashtrime me shkrim mbi pretendimet e palës ankuese, si dhe çdo shpjegim apo informacion që ju do e gjykoni të arsyeshëm dhe do të ndihmonte në sqarimin e plotë të kësaj çështjeje.
- Televizioni A2CNN, duhet të depozitojë pranë Komisionerit materialin video të emisionit "Off the record", të datës 28.10.2025, nga gazetari Andrea Danglli.

Sa më sipër është kërkuar, duhet të depozitohet pranë Komisionerit për Mbrojtjen nga Diskriminimi, brenda 10 (dhjetë) ditë pune nga marrja dijeni për këtë njoftim.

Duke besuar në bashkëpunimin tuaj,

KOMISIONERI

Robert GAJDA

**NË MUNGESË DHE ME URDHËR
DREJTORE JURIDIKE**



